



**HIE KOMPT EIN
BEÜERLEIN ZU
EINEM REYCHEN
BURGER VON DER
GULT DEN WUCHER...**





6128-B.



Wie kompt ein Beüerlein zu

einen reychen Burger von der gult-den reicher
betreffen-so kompt ein pfaff auch dar zu
vnd dar nach ein münch-gar kurtz
weyllich zu lesen



THE NEW YORK PUBLIC LIBRARY

ASTOR LENOX TILDEN FOUNDATION
455 N. 5TH ST. N. Y. C.

Beüerlein.

Gott Grüß euch lieber herr/Gott grüß euch. **Burger.** Gutz jar Beüerlein gutz jar/wo zeigstu her liebs beüerlein. **Beüerlein.** Ich zühe da her/ich wolt einst lügen wv i thetten. **Burger.** Ich weyß nicht zuehundan ich siz hie vñzell mein gelt einst. **Beüerlein.** Lieber her/sol ich ein weil zu euch nider sitzen/ich wolt gern ein weyl mit euch kosen. **Burger.** Wol an ließ beüerlein/koß her/was wiltu mit mir kosen. **Beüerlein.** Lieber her wer hat euch also viel geltes geben das ir also sitzent zu zelen. **Burger.** Ließ beüerlein/waß fragstu wer mir das gelt geb/das wil ich dir sagen/da kompt ein bauwer vnd bitt mich/ich soll im x. oder xx. gulden leyhen/So frag ich in balde-ob er nit hab ein gute wiß oder ein gutten acker/So sagt er balde ja herr/ich hab ein gutte wiß vnd gutte acker/die zwey stück sündt hundert gulden wert/So sag ich zu im wol an wiltu mir das gutt einsetzen zu pfande vnd wiltu mir ein gunden geltes alle jar geben so vill ich dir xx. gulden leihen/so ist der bauwer fro vñ spücht/ich will es euch gern einsetzen/ich will dir aber sagen/wan du den gulden geltes jars nit außrichst so ward ich das gutt annemen für mein eygenthüm/so ist der bauwer wul zu finden vnd verschreybt mirß also/ich leyhe im dz gelt er reycht mir ein jar zwey oß drey die gült/dar nach so kan er die gült nit meher reychen/so nem ich das gutt an vñ stoß den bauweren dar vß-so vberkom ich dz gut vnd dz gelt. Also geschichte mir auch dergleyche mit handwercks leute/hat er ein gut hauß ich leyhe im auch dar vff biß ichs hinder mich bring/dar mit vberkom ich groß gutt vnd gelt/da vatreyb ich mein zeyt mit. **Beüerlein.** Ich hab gewende es wuchern nur die iude/so hör ich wul ir künde auch dar mit. **Burger.** Du sagst vß wucher er ist doch niemantz hie der mit wucher vmb geet was mir die bauweren bringen das ist gulde. **Beüerlein.** Wan euch der wucher nit zu hareß kem wo blieb dan die gulde/was ist galte andersst dan wucher/dan jr hapt gelt vff pfand gelauhen vnd

nempt alle jar ewern genuß darvon als wan ein judt vff pfade
leicht ir wolt im aber einen solchen subteylen namē geben habē
ja es heysst gulde. Burger. Du sagst als von dem wucher/
hatt nit vnser herr gott gesagt wir sollen einander zu hilff ko/
men in nöten vnd ein ander furstrecken. Beierlein. Ja hat
aber vnser hergott nit gesagt du solt nit genuß nemen von hin/
gelaubē gelt wan der selbig genuß ist wucher. Burger. Du
bist ein gut gesell solte ich nichtz von dē hingelaubē gelt nemē
wer wolt mir dan mein gelthauffen groß machen. Beierlein
Ich sehe vnd hör wull das ir nur dar vff vmb gent das ir den
gelt hauffen groß machent vnd vil gelt vnnnd gut vberkomē/
vñ gehent da her blasen mit dē dicken backen vñ grosen bauch
als wolt ir sprechen weichtent auß dem weg daher far ich es ist
aber ein grosse schwere sünde sag ich euch furwaer. Burger.
Das dir gott den ritzen geb als bawern was sagstu mir vō meys/
nen blasenden dicken bauch hat di h der teuffel hier Reyn getragē
das du mi h wilt also schumpfern in meinē hauffe wer es also
vnrecht die pfaffen nemen kein gulde von gelaubē gelt gehe hin
auß in dausent teuffel namen was hon ich mit dir zu schaffen.
Beierlein. Ey nein ey ey herr ir wolt zürnen ey woll hön
die herren also vngern wann man in die warheit sagt so bligen
sie binden vñ sein als da ein essel ein sack vff im tregt vñ wolt
in gern ab werffen so ist im doch der sack zuschwer er bleibt im
doch vff dem halß liegen. Also bleybt dem wucherer sein namē
auch kleyben. Burger. Das dich die dauff vnd baill an kom
hett ihs getraude ich het dir nit als vil gesagt wie ich mein gut
oder gelt vberkom ich mein das mich der teuffel mit dir hab be/
schessen. Beierlein. Ey ey her ir thunt als wolt ir gern zür/
nen ich mach doch nichtz auß ewer gulde dan was es vor ist.
Burger. Solt ich aber nit zürnen das du mir mein gulde wilt
zu wucher machen vnd dir vō g sagte hab wer es wucher oder
vnrecht gutt die pfaffen nemens nit. Beierlein. Ja ia ir
macht das ich schier gen lecht der pfaff darff eben als bade in
dieck fallen als ich oder ir. So kumpelen ein pfaff dar zu


vnd h̄t was die zwen mitt einander reden. Burger. Ir
seint mir gott willkomen/ woll kompt ir also gereht/ ich muß
euch sagen wie es mir mit dem schencklichen beierlein ergangen
ist/ ich sitz ober meinem disch/ vnd zel mein gelt einst/ so fuert der
teuffel diß beierlein hie reyn vnd frage mich/ wie ich dz gelt vber
komen het/ da sagt ich ihm wie es mir von meiner guldten wirrde
die ich jars fallen hab. So will er mir vber ein wucher dar auß
machē/ ich hab dar fure wer es vurecht/ ir pfaffen liben nit also
gelt auß vmb gult/ was sagen ir dar zu. Der pfaff sahe das
beierlein an vnd sprach. Beierlein wo kumstu da her/ das du
wilt auß gult wucher machen/ mag einer nit vmb sein gelt
kauffen was er will. Beierlein. Ey ey ich lahte schier
gern/ das ein grindeiger dem andern so sanfft krauelte/ der pfaff
leydt auch vnder dem gedeck/ des wuchers guldte genant/ Ich
sehe nit vill güldt kauffen/ man sagt allwege man hab also vill
vff das oder yhenß gute gelauben/ wie kans dan kaufft sein/ so
es ein pfandte ist. Pfaff. Wir pfaffen haben es macht das
wir mögen gelt hinleyhen vmb güldt/ dan wir pfaffen müessen
vnß das erneren. Beierlein. Bort lung ey bort bauch bort
haude/ wer hat euch die maht gegeben/ ich h̄t wull ir hapt ein
andern gott dan wie armen/ wir haben vnsern hern Ihesum
Christum/ der hatt solichs gelt leyhen verbotten vmb gemuß es
ist aber dar zu kumen wo ein gurt ist es seindt ecker oder wiesen
getten oder heufft es wüirdt durch die leide beschwerde als
wucher güldt genant/ also dz nicht mit mer frey ist. Der pfaff
vnd burger sagten zum beierlein/ Du wilt vns lautter geheren
mit dem wucher/ es ist güldt vñ nit wucher. Beierlein. Ja
man teufft zwey kind das ein heyst Engel vnd heyst es auch Fri
derich/ das ander heyst man henßel vnd heyst auch Hans/ nach
ist yg'ichs ein kindt/ fragt man was nun das seindt die zwey/
spricht man/ es seindt kindt. Also ist auch gelt hinleyhen vmb ge
muß/ heyst manß schon gult so ist es doch wucher/ als dann ein
judt vff pfandte leicht der seyn gemuß dar von nympt/ wir derß
sen aber balde keiner juden mehr dan wir Christen habens seyn

gelernt. So kumpt eben ein Mönch auch darzu / so die drey
also mit einander reden der burger-der pfaff- vnd das beierlein.
Nun ist der reyen ganz pfeiff vff pfeiffer. Spricht der bur-
ger mit den diecken backen vnnnd mit dem grossen bauch zu dem
beierlein. Schwoyg in tausent teuffel namen als anmechtigen
beierleins hat dich der teuffel in mein hauff getragē der trag dich
auch wider hin auß. Beierlein. Ey ey ey lieber her nit zurne
dan auß zorn entsetzt nichts gutt-ir möchte hefflich werden ir se-
hent wol / wieder münch so glade ist vmb die backen-dz in ewer
fraw nit lieber gewen dan euch-darumb so hüten euch vor zorn
dan die münch schalckhafftig sendt. Mönch. Liebs beier-
lein warumb redest du also. So hebt der burger gleich an als
ein hizeriger mā dem die sache hart an lach die guldte lach jm / jm
sin das jm dz beierlein wucher dar auß wolt machen vñ sprach
zum münch. Her soll ich euch nit sagen wie es mir mit dem
schendlichen beierlein gegangen ist. Beierlein. Her ir zurnt
aber einst. Burger. Schwoyg in tausent teuffel namen kan
ich dan nit zu reden komen vor dir. Beierlein. Jetz schwoyg
ich Burger. Lieber herr (sprach der burger zu dem münch)
ich saß heut ober meiner disch vnd zelt mein gelt einst / so komte
das beierlein also fein eynher geschmerygelt vnd hub an mit mir
zu reden wo mir das gelt her kom-da sagt ich jm es würd mir
von meiner guldte die ich sellich fallen hab-so wil er mit vberin
wucher dar auß machen-was sagt ir dar zu? Mönch. Lie-
ber herr seint zu friden-ich wil jm wol mit gutten Worten ein-
reden was ich woll-dan die baroren lassen in nit gern etwz mit
bochen an gewinnen / als ir dan gegen jm vff gewußt sendt.
Burger! Woll ann lieber herr-nement das beierlein heimlich
zu euch an ein ort vnnnd reden ir weyters mit jm / das ir in künde
dar von bringen-dan ich vnd der pfaff haben nichts an jm kün-
den gewinnen er hat vnß antwort dar auff gebē. Der münch
der nā das beierlein zu jm vnd sprach. Liebs beierlein sage mir
eins-warumb sagstu das die guldte wucher sey vnd ist doch nit
also / es leicht einer sein gelt außdz er sein genießten woll-ich höe

wol wan ein kauffman etwas kaufft vnnnd gewindt etwas dar
an/es müß rucher sein. Beierlein. Ey der bog lung ey wol
ein hüpsche gleichung ist das Wan ein kauffman etwas kaufft
vmb sein gelt so muß er im nach zlegen in regen vnnnd schne in
dieck vnnnd in kude wandern biß er es widerumb verdreybe wan
er es verdreybe so ist schon haubegelt vñ verlust bezalt vñ muß
dar bey grosse sorg haben das im das gut nit zuschanden werde
oder gut vnd gelt nit genomen werde. Aber mit der gulde ist es
anderß wan euwer einer gelt hin leicht vmb gulde so leicht ers
nit hinweck er hab dan zwisseltig gewiß pfande dar fur vnd ist
des gelausen getes xx. nympt er hundert gulden dar vñ danoch
ist nites an dem hauptgelt bezalt/gehet der wucher fur vnnnd
fur-gulde genant. Münch Liebs beierlein schweyg stil wir
haben guug geredt von disen dingē. Beierlein Ja ich weiß
wol das ir leit nit gern hörent die warheit sagen. Der münch
geng widerumb zum pfaffen vnd zum burger vnd sprach lieben
hern ich meint ich wolt radt haben geschafft gegen dē beierlein
ich hab es aber nit zu wegen kumen bringen/ich radt das wir
lügen das wir sein ledig werden dz er nur schweig. Also wurdē
die drey der sachen eins vnnnd sprachen zu dem beierlein/wolan
beierlein wir wollen vnß scheyden vnd alle ding als lassen be-
ston vnnnd schweyg also still. Beierlein. Woan ich wolt
erst gern mer mitt euch gekost haben so hatt es schon an ende/
wolan gnad her ir lieben hern ich arms beierlein ich far dar vñ
Alde alde gülbt bleybt wucher immermer/ey ey gultte.

Js vnd diucl wirck gutt ding
Halt diucl vnd eer dir wirt nit mer
Dan speys vnnnd dianck dar bey gewandt
Vnd was du guts vorhin hast gesandt





Österreichische Nationalbibliothek



+Z162579805

